


Komentar monetarnih kretanja u decembru 2022. godine

Ukupna novčana masa (M2) na kraju decembra 2022. godine iznosila je 33,24 milijarde KM, u odnosu na prethodni mjesec registrovan je značajan porast novčane mase za 417,7 miliona KM (1,3%). Porast novčane mase (M2) u decembru 2022. godine, rezultat je povećanja novca (M1) za 484,4 miliona KM (2,5%) i smanjenja kvazi novca (QM) za 66,7 miliona KM (0,5%). Do povećanja novca (M1) je došlo usljed porasta prenosivih depozita u domaćoj valuti za 315,3 miliona KM (2,3%) i povećanja gotovine izvan banaka za 169,1 milion KM (2,8%). Smanjenje kvazi novca (QM) rezultat je pada prenosivih depozita u stranoj valuti za 19,9 miliona KM (0,6%), ostalih depozita u domaćoj valuti za 43 miliona KM (1,5%) i ostalih depozita u stranoj valuti za 3,8 miliona KM (0,1%).

Na godišnjem nivou, porast novčane mase (M2) u decembru 2022. godine iznosio je 1,72 milijarde KM (5,5%). Rast je ostvaren kod gotovine izvan banaka za 586,2 miliona KM (10,6%), kod prenosivih depozita u domaćoj valuti za 1,36 milijardi KM (11,0%) i prenosivih depozita u stranoj valuti za 283,8 miliona KM (8,6%), uz istovremeno smanjenje ostalih depozita u domaćoj valuti za 163,3 miliona KM (5,4%) i ostalih depozita u stranoj valuti za 347,7 miliona KM (4,8%).



Protustavka porastu novčane mase (M2) na mjesečnom nivou u decembru 2022. godine u iznosu od 417,7 miliona KM (1,3%) je povećanje neto strane aktive (NSA) za 235,5 miliona KM (1,2%) i neto domaće aktive (NDA) za 182,2 miliona KM (1,3%). Porast novčane mase (M2) na godišnjem nivou od 1,72 milijarde KM (5,5%), rezultat je porasta neto strane aktive (NSA) za 155,2 miliona KM (0,8%) i neto domaće aktive (NDA) za 1,6 milijardi KM (12,7%).

Monetarni pregled

| | Stanje u mil. KM | Mjesečne promjene u mil. KM | | | Godišnje stope rasta u % | | |
|---|------------------|-----------------------------|---------------|--------------|--------------------------|-------------|-------------|
| | XII 2022 | X 2022 | XI 2022 | XII 2022 | X 2022 | XI 2022 | XII 2022 |
| Aktiva | | | | | | | |
| 1. Neto strana aktiva | 19.271,6 | 242,0 | -477,5 | 235,5 | 2,7 | -0,7 | 0,8 |
| 1.1. Strana aktiva | 21.084,4 | 232,6 | -408,8 | 225,9 | 1,9 | -0,7 | 0,1 |
| 1.2. Strana pasiva | -1.812,9 | 9,4 | -68,7 | 9,6 | -6,6 | 0,0 | -7,0 |
| 2. Neto domaća aktiva | 13.967,9 | -145,1 | 486,2 | 182,2 | 10,7 | 16,0 | 12,7 |
| 2.1. Potraživanja od centralne vlade (neto), kantona i općina | 84,2 | -47,5 | 460,1 | -132,6 | -5,1 | -171,5 | -138,1 |
| 2.2. Potraživanja od domaćih sektora | 21.059,0 | 102,1 | 20,3 | 119,1 | 5,1 | 4,9 | 5,4 |
| 2.3. Ostale stavke | -7.175,4 | -199,6 | 5,9 | 195,7 | -3,5 | -5,2 | -2,6 |
| Pasiva | | | | | | | |
| 1. Novčana masa (M2) | 33.239,5 | 96,9 | 8,7 | 417,7 | 5,8 | 5,7 | 5,5 |
| 1.1. Novac (M1) | 19.878,6 | -91,6 | 62,5 | 484,4 | 11,4 | 11,4 | 10,9 |
| 1.2. Kvazi novac (QM) | 13.360,9 | 188,5 | -53,8 | -66,7 | -1,2 | -1,6 | -1,7 |

Kreditni

Ukupni krediti domaćim sektorima na kraju decembra 2022. godine iznosili su 22,07 milijardi KM, u odnosu na prethodni mjesec zabilježeno je povećanje od 101,4 miliona KM (0,5%). Rast kredita registrovan je kod sektora stanovništva za 23 miliona KM (0,2%), nefinansijskih javnih preduzeća za 44,5 miliona KM (7,6%), privatnih preduzeća za 15,9 miliona KM (0,2%) i kod ostalih domaćih sektora za 20,3 miliona KM (12,3%). Pad kreditnog rasta na mjesečnom nivou je zabilježen kod vladinih institucija za 2,3 miliona KM (0,2%).

Godišnja stopa rasta ukupnih kredita u decembru 2022. godine iznosila je 4,7%, nominalno 990,7 miliona KM. Godišnji rast kredita registrovan je kod sektora stanovništva za 542,9 miliona KM (5,2%), privatnih preduzeća za 378,7 miliona KM (4,3%), nefinansijskih javnih preduzeća za 115,5 miliona KM (22,6%) i kod ostalih domaćih sektora za 6,3 miliona KM (11,0%). Smanjenje kreditnog rasta na godišnjem nivou registrovano je kod vladinih institucija za 57,4 miliona KM (4,9%).

Sektorska struktura kredita

| | Stanje u mil. KM XII 2022 | Mjesečne promjene u mil. KM | | | Godišnje stope promjene u % | | |
|------------------------------------|------------------------------|-----------------------------|---------|----------|-----------------------------|---------|----------|
| | | X 2022 | XI 2022 | XII 2022 | X 2022 | XI 2022 | XII 2022 |
| Ukupno | 22.068,0 | 93,1 | 25,3 | 101,4 | 4,5 | 4,3 | 4,7 |
| Od toga: | | | | | | | |
| Stanovništvo | 10.978,4 | 34,3 | 17,5 | 23,0 | 5,1 | 4,9 | 5,2 |
| Privatna preduzeća | 9.155,5 | 30,5 | 11,0 | 15,9 | 4,2 | 4,3 | 4,3 |
| Vladine institucije | 1.122,8 | -4,2 | -5,6 | -2,3 | -3,5 | -4,3 | -4,9 |
| Javna preduzeća | 626,3 | 37,3 | 11,8 | 44,5 | 15,5 | 13,6 | 22,6 |
| Kreditni ostalim domaćim sektorima | 185,1 | -4,8 | -9,3 | 20,3 | 3,3 | 0,4 | 6,3 |

Depoziti

Ukupni depoziti domaćih sektora na kraju decembra 2022. godine iznosili su 29,23 milijarde KM, u odnosu na prethodni mjesec depoziti su povećani za 496,3 miliona KM (1,7%). Rast depozita na mjesečnom nivou registrovan je kod sektora stanovništva za 296,6 miliona KM (2,1%), nefinansijskih javnih preduzeća za 41,5 miliona KM (2,1%), privatnih preduzeća za 127,2 miliona KM (2,1%) i kod vladinih institucija za 121,6 miliona KM (2,7%). Kod ostalih domaćih sektora došlo je do smanjenja depozita za 90,6 miliona KM (4,6%).

Godišnja stopa rasta ukupnih depozita u decembru 2022. godine iznosila je 5,0%, što je u apsolutnom iznosu 1,4 milijarde KM. Godišnji rast depozita registrovan je kod vladinih institucija za 589,8 miliona KM (14,7%), privatnih preduzeća za 609,5 miliona KM (11,0%), nefinansijskih javnih preduzeća za 209,9 miliona KM (11,6%) i kod ostalih domaćih sektora za 107,6 miliona KM (6,1%). Smanjenje stope rasta depozita na godišnjem nivou registrovano je kod sektora stanovništva za 0,8%, odnosno 120,6 miliona KM.

Sektorska struktura depozita

| | Stanje u mil. KM XII 2022 | Mjesečne promjene u mil. KM | | | Godišnje stope promjene u % | | |
|----------------------------------|------------------------------|-----------------------------|---------|----------|-----------------------------|---------|----------|
| | | X 2022 | XI 2022 | XII 2022 | X 2022 | XI 2022 | XII 2022 |
| Ukupno | 29.228,7 | 192,5 | -145,6 | 496,3 | 6,0 | 4,2 | 5,0 |
| Od toga: | | | | | | | |
| Stanovništvo | 14.574,9 | 24,0 | 35,7 | 296,6 | -2,0 | -1,8 | -0,8 |
| Privatna preduzeća | 6.144,9 | 145,9 | -6,2 | 127,2 | 11,8 | 10,2 | 11,0 |
| Vladine institucije | 4.609,0 | 46,7 | -281,6 | 121,6 | 23,4 | 9,7 | 14,7 |
| Javna preduzeća | 2.014,0 | -16,7 | 7,6 | 41,5 | 14,3 | 11,9 | 11,6 |
| Depoziti ostalih domaćih sektora | 1.886,0 | -7,4 | 98,7 | -90,6 | 8,2 | 15,5 | 6,1 |

Devizne rezerve

Devizne rezerve Centralne banke BiH na kraju decembra 2022. godine iznosile su 16,07 milijardi KM. U odnosu na prethodni mjesec zabilježeno je povećanje deviznih rezervi od 159,1 milion KM (1,0%), dok su na godišnjem nivou devizne rezerve Centralne banke BiH manje za 282,3 miliona KM (1,7%).